

如龍懷怨。徑率所部往攻臨安。公念如龍若踞臨安。則回勢益強。且梁士美忠義。宜保全之。密檄士美固守待援。又檄他郡練衆之素與如龍爲讐者數千人。陽爲會攻臨安。實令與士美合圖如龍。蓋如龍去則回稍弱。而後滇事可籌也。公念徐之銘雖不足恃。究係同辦一事。嘗向之銘微露其意。之銘歸告其妾。之銘之妾多與回會狎。回以告德新。德新怨懼交并。密召武定營參將回會馬榮。率練黨二千餘人。即冒公所調練衆旗幟。入居省城五華書院。日出騷掠。居民訟之。督撫兩署同治三年正月十五日。公親往書院彈壓。諭令出城。請期五日。不許。請期三日。亦不許。限以即日出城。是時回衆矛戟森列。馬榮攘臂大言曰。即不出。當奈我何。嗾其衆使前公大罵。身受七傷。死之。雲南府知府黃培林。昆明縣知縣翟怡曾。上前救護。同及於難。中軍楊振鵬在側。默然無言。是日也。公約徐之銘同往之銘陽諾之。而不至。蓋早知其有變。云賊亦不攻其署。岑毓英以兵練數百。扼守藩署。自臬司以下官吏未死者。皆避入藩司官廨。徐之銘迎馬德新入居總督署。號令一切。陽稱請其彈

壓回衆。德新以總督關防。送文徐之銘。公尸暴露三日。其家丁哀懇楊振鵬。轉求德新。發回字令。始得殮殮。面如生。德新之召馬榮。初意欲使官與回相持不下。已乃出而調停之。以市德於總督。並解馬如龍之厄。不料其構成大釁。且所忌惟潘公。今公已死。又欲討馬榮。以示己無背叛意。乃密召馬如龍。率師赴省。岑毓英亦致書如龍。獎其忠誠。召之入援。如龍攻臨安數日。不克得。書欲退。恐梁士美追襲。乃以情告士美。士美登城謂之曰。汝若奔援省城。盡心王事。當不汝追也。如龍折矢與之盟。以二月一日夜。回至省城。自南門入。與岑毓英夾攻賊黨。賊死傷過半。楊振鵬登城。勸止官軍勿開槍。賊天明。送馬榮出城。逃回武定。初五日。衆議徐之銘仍署總督。馬如龍署提督。疏通道路。厥後馬聯陞以叛聞。是年十二月。林鴻年奏稱馬聯陞伏誅。馬榮爲官軍所擒。解至督城。正法。楊振鵬受之銘檄。往權鶴麗鎮總兵。與回匪通謀作亂。爲如龍所擒斬。

郎潛紀聞

陳康祺

石琢堂

渡河千古貞臣。同此遺憾耳。

和坤

吳門石琢堂殿撰韞玉。以文章伏一世。其律身清謹。實不愧道學中人。未達時。見淫詞小說。一切得罪名教之書。輒拉雜摧燒之。家置一紙庫。名曰孽海。收燬幾萬卷。一日閱四朝聞見錄。中有劾朱文公疏。誣詆極醜。穢忽拍案大怒。亟脫婦臂上金跳脫。質錢五十千。徧搜東南坊肆。得三百四十餘部。盡付諸一炬。可謂嚴於衛道矣。是年南闈發解。庚戌魁多士。夫因果之說。儒者不道。然以一窮諸生。毅然以關邪說扶名教自任。其胸襟氣節。豈復第二流人物所有。

林文忠公

粵賊初起。首陷平樂府城。時林文忠公已由西域賜環。文宗特詔起之。田間公方臥疾。聞命束裝。星夜兼程。宿疴益劇。公子編修汝舟隨侍。勸以節勞。暫息。公慨然曰。二萬里冰天雪窖。隻身荷戈。未嘗言苦。此時反憚勞乎。口占一聯云。苟利國家生死以。敢因患難避趨之。乃昇疾亟行。憂國焦勞。馳驅盡瘁。遂卒於廣寧行館。初賊震公威名。咸膽裂思解散。猝聞溘逝。毒欲益張。公臨歿大呼。星斗南。莫解所謂。噫。武鄉侯出師未捷。宗忠簡三呼。

乾隆朝故相和坤。貴爲首輔。爵封上公。子尚公主。凡一切龍褂紫纒雙翎寶頂。茂典殊榮。靡不崇備。本朝八旗大臣中。寵眷罕有其倫。聞其始特變儀衛一校尉。或作侍衛出身。一日警蹕出宮。上偶於輿中閱邊報。有奏要犯脫逃者。上微怒。誦論語虎兕出於押三語。扈從諸校尉及期門羽林之屬。咸愕眙。互詢天語云何。和坤獨曰。爺謂典守者不得辭其責耳。凡內臣稱上皆曰老爺子。或曰佛爺。上爲霽顏。問汝讀論語乎。對曰然。又問家世年歲。奏對皆稱旨。自是恩禮日隆。遷官多不次。和坤才敏。給遇事機。牙肆應。尤善揣人主喜怒。以故高宗晚年。倚毗益篤。設稍感激。知遇持盈保泰。移其封殖自利之謀。以協贊軍國。其功名福澤。豈在郭汾陽下。後之懿親戚。肺腑附國家者。鑒之哉。鑒之哉。

田文鏡

相傳田文鏡爲豫督。平越王少司馬士俊。適令祥符。庭參日。田問出身。王攢眉嗚嗚。故作羞愧狀。良久始對曰。